- 38. Ita allocuta puellam Mithilensem, quæ præ timore in mariti sinum confugit, Súrpanakha speciem assumpsit, nomini suo similem.
- 39. Lakshmanas, qui primo eam cuculi instar dulce loquentem audiverat, deinde lupæ instar horribiles sonos edentem, transformatam illam putabat.
- 40. Ille stricto gladio in casam frondeam celeriter ingressus, terribilem illam iterata deformitate affecit.
- 41. Illa, in aere pendens, utrique fratri minitabatur digito suo, unco simili, unguibus aduncis prædito, nodisque arundinis instar crassis.
- 42. Mox vero Dandakam sylvam ingressa, Кнаяж aliisque Rákshasis narravit talem Ráмж conatum, novam Rákshasorum contumeliam.
- 43. Quod Rákshasi illam, vultus membra laceratam, magni faciebant, id illis, Ráмам adorientibus, funestum evasit.
- 44. RAGHUIDES insolentes illos telis elatis accurrentes videns, victoriæ spem in arcu collacavit, Sítam Lakshmanæ commisit.
- 45. Rámas Dasarathides solus erat, Rákshasi vero mille, sed quot illorum erant, eundem numerum ille etiam in prœlio habere iis videbatur.
- 46. Kakutsthides, probe agens, Dúshanam, e scelestorum caterva missum, haud toleravit, veluti suum ipsius vitium.
- 47. Illum, Kharam atque Trisirasem deinceps excepit sagittis, quæ vero quasi uno eodemque tempore ab arcu ejus evolabant.
- 48. Ab acutis illis sagittis, quæ, priore puritate servata, trium illorum corpora penetrabant, vita eorum hauriebatur, sanguis vero ab avibus.
- 49. Ingenti illo Rákshasorum exercitu Ráмæ sagittis trucidato, nihil erectum conspiciebatur, præter truncos.
- 50. Ille deorum hostium exercitus, postquam cum Ráma, sagittarum imbres effundente, pugnaverat, non experrecturus dormiebat in vulturum umbra.
- 51. Ε Rákshasis, Rámæ telis deletis, sola Súrpanakha nuntium malum Rávanæ attulit.
  - 52. DHANADÆ frater minor, post contumeliam sorori inflictam, atque